

DEN AMBIENTE

Awenochi via Tele Aruba...

PREMIO MOTITO Y RUFO WEVER TA DUNA HOMENAHE NA HUBERT "LIO" BOOI...

** Awenochi durante e premiacion di MOTITO y RUFO WEVER, cual lo ser transmiti envivo pa Tele Aruba cuminsando pa 8'or p.m., e conocido compositor, escritor y poeta, HUBERT "LIO" BOOI, lo bay ricibi su merecido reconocimiento.

Sr. Hubert Booi, a nace na Bonaire (Nikiboco) dia 25 di Juli 1919. E la cuminza su ensañanza escolar na St.

Bernardus school di Kralendijk di fraternan di Tilburg y a sigui 8 klas bao direccion di Frater Lucius, Ignatius, Dyonisius, cu tabata su maestro di Ingles y Spaño.

Despues e la haya les di anochi cu algun alumno mas destaca. Como cu sr. Booi (Lio pa su amistades y famianan) tabata tin pensa di bay seminario na Caracas, e tabata haya un poco les di liturgia

(latin).

Sr. Booi a para riba escenario casero cu su 5 año di edad, na cas di su tanta y tío Papa Cheli, kende tabata tata di Nechi Hart (di Panaderia), recitando algun verso infantil.

Su tata a traha e periodo. E tabata conta storia di Cha Baca, of para riba un stoel ta predica. Na edad di 7 año e la cuminza tuma parti den varios comedia escolar na hulandes.



Den e tempo ey el a ricibi premio ANV, Neerlandia Prijs, como mihor alumno den idioma hulandes den klas mas halto cu foto riba dje di S.M. Reina Wilhelmina.

E la cuminza purba skirbi storia, versio, inspira pa su Wela Mama Doloria y su tata cu tabata recita varios poema na Spaño. E tabata lesa tambe versionan di Lola Booin, poesia Bonaireano (ruman di tata di John Booi).

Sr. Hubert Booi a cuminza cera conoci cu obranan di teatro den un coleccion di bukinan di Chechi Dulia Hart, un prima di dje y na mesun tempo cu Tia Laura (Mama di Dr. Hart) kende a lanta un scol di Urbanidad unda un grupo di jovennan tabata siña con conduci nan mes den sociedad.

Un scol sumamente valioso cu a lanta interes pa haya un bon preparacion.

Na 1937 Sr. Booi a bin Aruba pa traha pa Lago, pero Pastoor Bartel kende tabata conoce for di Bonaire a recomenda su tata pa e bay Hollandsche Bank, pensando kizas riba "alma di Sr. Booi, na unda el a cuminza den seccion di contabilidad (boekhouding).

Cu yudanza di Gravendijk cu tabata dune les (gratis) el a traha aki. E boekhouding cu e la siña na scol tabata algo basico, pero cu Gravendijk, kende despues a bay traha cu Lago, den un puesto clave, e la

logra haya bon preparacion den contabilidad Bancario, segun e tempo ey, "economia di Adam Smith".

Sr. Booi a scirbi, adapta, traduci y actua di Pasco (adapta di Charles Dickens), Mala Lenga (un radio-novela pa Voz di Aruba), futuro Esposo, E Angelino Maluco, Drecha Mundo, Ki Dia... Orjunchi (traduccion liber), Scapin, Triunfo di un Piscador, Amor di Kibaima (pa Colegio Arubano), APA), entre otro tambe obranan di Hermanos Quintero na Bolivariana cu Leticia Gonzales, No casa Nunca, entre otro cu Joost Marty, Yvette Ecury Carla de Cuba, Luis de Palm etc.

E la dedica su mes hopi na poesia, leyenda, storia, traduccion di obranan internacionalmente conoci manera Les Mots Perdu di Catulle Mendes, Saidiah y Adindad di Multatuli, Batchatantra etc. Pa Mascaruba tin biaha e la actua tambe como critico di teatro y ademas ta practica dibuho y pinturo.

Casi 20 año largo e tabata Director di departamento di Cultura y Educacion y di Instituto di Cultura. Sr. Hubert Booi ta co-fundador di Circulo di Arte Arubano, organizador di Exposicion di Arte Popular, tabata secretario di Comision di Papiamento y miembro di Comision Himno "Aruba Dushi Tera".